



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-05-04-13031/24
Sarajevo, 25.03.2024.godine

BOSNA I HERCEGOVINA
Federacija Bosne i Hercegovine
Kanton Sarajevo
Javna ustanova Elektrotehnička škola za energetiku Sarajevo
Školski odbor
N/r predsjednika
Ulica Zmaja od Bosne broj 37
71000 Sarajevo

PREDMET: Zastupnička inicijativa, dostavlja se na postupanje -

Na 14. radnoj sjednici Skupštine Kantona Sarajevo, održanoj dana 26.02.2024. godine, u okviru tačke dnevnog reda "Poslanička/zastupnička pitanja, inicijative i odgovori", zastupnica u Skupštini Kantona Sarajevo Hašimbegović Marijela, uputila je zastupničku inicijativu pitanje Ministarstvu za odgoj i obrazovanje Kantona Sarajevo, Uredu za borbu protiv korupcije Kantona Sarajevo i Ministarstvu pravde i uprave Kantona Sarajevo, koja glasi:

"Upućujem inicijativu radi uvida u zakonitost daljeg obavljanja funkcije direktora Elektrotehničke škole za energetiku, Fikreta Radončića, a po uvidu u izvještaj dobiven od Kantonalne uprave za inspeksijske poslove (veza akt broj: 14-02-04-06054/23 od 06.12.2023.god) zbog povrede zakonskih odredbi kako slijedi u nastavku.

Naime, provjerom kroz Registar novčanih kazni i prekršajne evidencije KU za inspeksijske poslove KS za period od 2020. do 2023. godine utvrđeno je da su Elektrotehničkoj školi za energetiku izdata 4 (četiri) prekršajna naloga, a opis i karakter prekršaja predstavljaju osnov za razrješenje direktora škole i postupanje Ministarstva odgoja i obrazovanja po članu 16. stav (1), tačka b Pravilnika o izboru, kriterijima za izbor, nadležnostima i radu direktora srednjih škola KS a u vezi s članom 15. stav g i a gornjeg Pravilnika, te člana 149 stav a, f i g Zakona o srednjem obrazovanju KS.

Iz obimnog materijala inspeksijskih nalaza evidentno je da se radi o neodgovornom i samovoljnom rukovođenju ljudskim resursima, nepoštovanju zakonskih odrednica, te kontinuiranom oštećivanju budžeta KS što po člana 149 stav a, f i g Zakona o srednjem obrazovanju KS i članu 15. stav 1, tačka g i a Pravilnika o izboru, kriterijima za izbor, nadležnostima i radu direktora srednjih škola KS predstavlja osnov za razrješenje.

Školski odbor nije reagovao na ove prekršaje i zastupnička pitanja Skupštine KS kao zakonodavnog organa.

U nastavku navodim dio propusta i prekršaja koji su gotovo svakodnevni, poznati kroz Izvještaj Kantonalne uprave za inspeksijske poslove, dopise Ministarstva pravde i uprave Kantona Sarajevo, te brojne upite i pisma ugroženih radnika ove ustanove upućenih skupštinskim zastupnicima, čiji sadržaj ne otkrivam u potpunosti uz napomenu da ukoliko bude potrebe za tim, isti iskazuju spremnost da dostave i svoj dio dokumentacije i dokaza o nezakonitostima ako se obezbijedi zaštita njihova identiteta zbog mogućih negativnih posljedica.

Zaista smatram da se ovakvo neodgovorno i štetno rukovođenje treba zaustaviti i svi subjekti moraju se ponašati u skladu sa Zakonom, te s tim u vezi tražim da Skupštinu KS kao zakonodavni organ, koji mora pratiti proces izvršenja zakonskog postupka izvjestite o svim poduzetim radnjama povodom ove Inicijative.

Obrazloženje:

1. Inspekcije rada ustanovila je da je škola 30. 05. 2023.god. kažnjena kaznom u visini od 3.000,00 KM radi nepostupanja po Rješenju izdatom od strane inspektora rada KU za inspeksijske poslove KS., te slijedom istog Inicijativu pokrećem sukladno Zakonu o srednjem obrazovanju KS, Članu 149 .stav f) koji navodi slijedeće : " ukoliko direktor ne postupi po nalogu, odnosno mjeri suda, Ministarstva ili inspektora za otklanjanje utvrđenih nepravilnosti odnosno nedostataka, u skladu sa ovim zakonom",

2. Nadalje, nadzorom koji je izvršila prosvjetna inspekcija 20. 06. 2023.god. ustanovljeno je da se ne objavljuju zapisnici / odluke sa sjednica Školskog odbora, te je škola ponovno kažnjena novčanom kaznom u iznosu od 1.000,00 KM. Ovim, osim što uskraćuje protok poslovnih informacija, direktor ponovno šteti budžetu Kantona Sarajevo čineći prekršaj iz člana 144, stav 7 Zakona o srednjem obrazovanju.

3. Dana 17.10.2023.god. od strane kantonalnog inspektorata rada izdat je prekršajni nalog jer se poslodavac nije prije donošenja odluke značajne za prava i interese zaposlenika, nije konsultovao sa Vijećem zaposlenika, tj. sindikatom škole. Za taj prekršaj izrečena je kazna u iznosu od 1.000,00KM. a u ovom slučaju, osim kršenja zakonskih propisa predstavlja i dokazuje izostanak protoka informacija i izbjegavanje saradnje sa radnicima gdje direktor ovaj put čini prekršaj iz člana 23. Zakona o vijeću uposlenika.

4. Dana 21.06.2021 godine od strane kantonalnog inspektora Školi je izdat prekršajni nalog u iznosu od 1000 KM zbog prekršaja i nepostupanja iz člana 43. Zakona o radu, te iako je Općinski sud u Sarajevu naknadno izrekao uvjetnu osudu, ne umanjuje stalnu intenciju za kršenjem zakonskih propisa.

5. Kao što ste već ranije pismenim putem upoznati Institucija ombudsmena za ljudska prava BiH također je uključena u probleme koje radnici ove škole imaju sa direktorom, te su se sa svoje strane obratili različitim institucijama, između ostalog i Tužilaštvu KS zbog nepoštivanja upućenih Preporuka Ureda ombudsmena.

6. U vezu s problematikom mobinga nad radnicima i narušenim međuljudskom odnosima u Školi, direktor u Izjašnjenju upućenom resornom ministarstvu od 05.12.2023.godine, navodi da je imenovao tim za primanje i rješavanje pritužbi vezanih za zaštitu dostojanstva radnika škole. Međutim, Kolektivnim ugovorom za djelatnost srednjeg obrazovanja u KS, jasno je propisano da se radi o jednoj osobi, pa tako Član 37. važećeg KU propisuje „Poslodavac koji zapošljava najmanje 20 radnika



dužan je, uz saglasnost vijeća zaposlenika ili sindikalnog povjerenika, imenovati osobu ovlaštenu od poslodavca za primanje i rješavanje pritužbi vezanih za zaštitu dostojanstva.“ Postavlja se pitanje da li direktor ovim samovoljno mijenja utvrđene zakonske odrednice ili i dalje krši zakon.

7. Osim što direktor ove škole ne želi saradivati sa svojim radnicima i uvažavati zakone, moram spomenuti i da se isti zajedno sa Školskim odborom nije očitovao na zastupničku Inicijativu upućenu školskom odboru još 15. 11. 2023.god., a tiče se upravo narušenih međuljudskih odnosa i nezakonitog postupanja direktora škole, kao i tražene informacije o razmatranim Izvještajima Inspektorata KS, te poduzimanja aktivnosti u vezi s istim.

8. Također, iz Vašeg dopisa upućenom Uredu za borbu protiv korupcije (veza akt broj: 11-04/02-03-36381-1/23 od 18.9.2023.god.) uočavam da i Vi navodite da „još uvijek čekate, jer značajan broj predstavki koje su pristigle tokom 2023. godine organi Škole Ministarstvu još uvijek nisu dostavili traženo očitovanje i postupak provjere osnovanosti iznesenih navoda iz predstavki još uvijek traje.“ Ovdje se pojavljuju elementi administrativne šutnje koja veoma lako može biti procesuirana i na sudu.

9. Dana 18.12.2023.g. Ministarstvo pravde i uprave KS u inspekcijском nadzoru (veza akt broj: 03-05-04-50202/23) uočilo je nepravilnosti u radu direktora i to pri unosu podataka u protokole nechronološkom redosljedom, dodavanje predmeta na osnovni broj, što još jednom upućuje na nezakonit i neodgovoran rad. Ovo Ministarstvo je prilikom inspekcijского nadzora utvrdilo nezakonit rad, naložilo upravnu mjeru Upozorenja, te direktoru škole zabranilo da kod vođenja djelovodnog protokola upisuje druge predmete pod jednim brojem, a naložilo da se djelovodni protokol vodi u skladu sa propisima regulisanim u Pravilniku o kancelarijskom poslovanju. Nezakonita upotreba faksimila direktora škole, također je bila predmetom inspekcijского nadzora, međutim izostale su izrečene mjere i sankcije u tom dijelu. To će svakako biti predmetom budućih zastupničkih Inicijativa, obzirom da je direktor škole koristio faksimil koji nije bio registriran u MP KS (isto već poznato i dostavljeno ovom Ministarstvu kao informacija i prilog prijave za vršenje nadzora uz mnoštvo materijalnih dokaza), a zakon jasno propisuje tu obavezu”.

Razmatrajući navode podnesene inicijative zastupnice u Skupštini Kantona Sarajevo Hašimbegović Marijela, te uzimajući u obzir nadležnosti školskog odbora, propisane odredbama člana 143. Zakona o srednjem obrazovanju, kojim je propisano, da je školski odbor, između ostalog nadležan, da usmjerava, kontrolira i ocjenjuje rad direktora, odlučuje o izboru, imenovanju i razrješenju direktora, u smislu člana 65. stav (4) Zakona o upravnom postupku (“Službene novine Federacije Bosne i Hercegovine”, br. 2/98, 48/99 i 61/22), dostavlja se zastupnička inicijativa na znanje i nadležno postupanje.

S poštovanjem,
Prilog, inicijativa.

Dostaviti:

1. naslovu;
2. Skupština Kantona Sarajevo
n/r Predsjedavajućeg Skupštine Kantona Sarajevo
Elvedin Okerić
3. Hašimbegović Marijela
zastupnica u Skupštini Kantona Sarajevo;
4. Stručna služba Vlade Kantona Sarajevo;
5. a/a.

